



Verðfyrirspurn 18/2019

Landspítali óskar eftir verðupplýsingum fyrir: Tabl. Amoxicillin og beta laktamasa hemil í styrkleika 500 mg/125 mg og 875 mg/125 mg lyfið er í ATC flokki J01CR02

Fyrir hönd Landspítala (LSH, kt: 500300-2130), Sjúkrahússins á Akureyri (SAK kt: 580269-2229), Sólvangs Hjúkrunarheimilis (kt: 420106-1220); Heilbrigðisstofnununar; Vesturlands (kt: 630909-0740); Suðurlands (kt: 670804-2750); Suðurnesja (kt: 511297-2819); Austurlands (kt: 610199-2839); Norðurlands (kt: 450100-3310); og Vestfjarða (kt: 650914-0740); óskar innkaupadeild LSH eftir verðupplýsingum fyrir **Tabl. Amoxicillin og beta laktamasa hemil í styrkleika 500 mg/125 mg og 875 mg/125 mg**.

Afhending og frágangur upplýsinga:

Upplýsingablöð fylgja þessari verðfyrirspurn og skulu upplýsingagjafar fylla inn umbeðnar upplýsingar á því formi (Excel). Ítarupplýsingar vöru skulu fylgja með á rafrænu formi.

Upplýsingum, merkt **Verðfyrirspurn 18/2019**, skal skilað á netfangið: verdfyrirspurnir@landspitali.is, eigi síðar en 19. ágúst 2019.

Fyrirspurnir skulu sendast á póstfangið verdfyrirspurnir@landspitali.is eigi síðar en 12. ágúst 2019 og þeim verður svarað á vef LSH eigi síðar en 15. ágúst 2019.

Stefnt er að því að semja við einn (1) bjóðanda um viðskipti þessi. Samningstími er 2 ár frá 01.10.2019 (eða fyrr) og gildir í 2 ár, til 31.08.2021, með heimild til framlengingar 2 x 1 ár. Í samningi verður ekki tiltekið ákveðið magn sem kaupa skal.

Almennar kröfur til upplýsingagjafa, sem hann skal staðfesta og láta fylgja með upplýsingum.

Sjá skal kröfur 1-11, í meðfylgjandi upplýsingahefti.

Valforsendur og mat á verðupplýsingum

Öll notkun lyfja er háð klínísku mati sérfræðinga kaupanda og samþykki sjúklinga. Við val á verðupplýsingum verður gengið út frá fjárhagslega hagkvæmustu verðupplýsingum eða hafna öllum, ef málefnalegar ástæður gefa tilefni til þess. Fjárhagslega hagkvæmustu verðupplýsingar fullnægir þörfum kaupanda best samkvæmt þeim forsendum sem settar hafa verið fram í gögnum.

Til mats koma þær verðupplýsingar sem uppfylla allar SKAL kröfur. Uppfylli verðupplýsingar ekki ofangreindar skal kröfur þá koma þær ekki til mats og verður vísað frá.

Mat á verðupplýsingum

Eftirfarandi valforsendur verða notaðar við mat á verðupplýsingum við val á samningsaðila:

Nr.	Valforsendur	Stig
1	Verð lyfs	100

Það boð af Tabl. Amoxicillin og beta laktamasa hemli í styrkleika 500 mg/125 mg og 875 mg/125 mg sem hlýtur flest stig innan ATC flokks J01CR02 samkvæmt matslíkani verðfyrirspurnarinnar verður valið, að því gefnu að allar skal kröfur séu uppfylltar. Báðir styrkleikar verða valdir frá sama aðila.

Einkunn

Heildarverðmæti (100 stig)

Mat byggir á eftirfarandi: Lægsta heildarverðmæti lyfs skv. gildum verðupplýsingum á föstu verði eða gengi viðmiðunargjaldmiðils í opnunarmánuði upplýsinga, fær hæstu einkunn eða 100 stig, eftir það ræður eftirfarandi reiknilíkan:

$$\text{Einkunn} = \frac{\text{lægsta heildarverðmæti lyfs}}{\text{boðið heildarverðmæti lyfs}} * 100$$

Við einkunnagjöf er heildarverðmæti lyfs, frá upplýsingagjafa reiknað með því að margfalda saman einingarverð í hvorum styrkleika fyrir sig saman við uppgefnar notkunartölur (sjá í meðf. upplýsingahefti). Lægsta heildarverðmæti lyfs gefur 100 stig. Notkunartölur og útreikningar á heildarverðmæti má sjá í flípa C1 í meðfylgjandi upplýsingahefti.

Aðrar upplýsingar og kröfur er varða verðfyrirspurnina.

Komi til þess að uppgefið heildsöluverð Lyfjaverðskrár verði lækkað niður fyrir samningsbundið verð á samningstímanum þá skal skráð verð Lyfjaverðskrár gilda frá þeim tíma. Seljandi getur þó haldið áfram upphaflegum afslætti sem gildir þá frá lyfjaverðskrárverði.

Sé verð samheita-, staðgöngu-, eða líftæknilyfshliðstæða (biosimilar) lyfs sem eru markaðssett (með markaðsleyfi á Íslandi og skráð í lyfjaverðskrá) á Íslandi lægra en verð boðins lyfs, áskilur kaupandi sér rétt til að hafna boði í viðkomandi lyf.

Verði á samningstímanum breytingar á lyfjum þeim sem samningurinn tekur til t.d. vegna tækniþróunar, lagabreytinga, reglugerða o.s.frv. eða breytingar á lyfjaformum, pakkningastærðum, vörunúmerum eða fjölda þeirra, verður nýtt samskiptaskjal útbúið sem verður hluti af upphaflegum samningi.

Leiði breytingar á lyfjaverði í lyfjaverðskrá á samningstímanum, s.s. vegna verðendurskoðunar Lyfjagreiðslunefndar, tilkomu staðgöngu- eða líftæknilyfs-hliðstæðu (biosimilar), lyf eru markaðssett eða vegna annarra ástæðna til þess að kaupanda býðst ódýrari kostur en sá sem samið hefur verið um getur kaupandi krafist endurskoðunar á samningi. Hafi samkomulag ekki náðst um verðlækkun innan 30 daga frá því krafa um endurskoðun hefur verið sett fram áskilur kaupandi sér rétt til að segja samningnum upp með 30 daga fyrirvara.

Ef upp koma einhver vandkvæði eða dráttur verður á afhendingu lyfs ber seljanda þegar í stað að tilkynna kaupanda um ástæður fyrir seinkuninni og um væntanlegan komutíma lyfsins. Ef að mati kaupanda reynist þörf á að kaupa umsamin/sambærileg lyf/lyfjaform af öðrum aðila vegna dráttar á afhendingu skal seljandi útvega kaupanda staðkvæmdarlyf sem kaupandi telur sambærilegt og samþykkir ella greiða það tjón sem kaupandi verður fyrir við kaup á staðkvæmdarlyfi. Kaupandi greiðir aldrei meira en samningsverð fyrir staðkvæmdarlyf sem seljandi útvegar á meðan afhendingardráttur varir. Sé innkaupsverð staðkvæmdarlyfs, sem kemur tímabundið í stað samningslys, lægra en innkaupaverð samningslys skal kaupandi njóta þess ávinnings að öllu leyti á meðan afhendingardráttur varir. Framangreint ákvæði tekur ekki til atvika sem talist geta til “force majeure” tilvika.

Kaupandi pantar lyfin eftir þörfum hverju sinni. Seljandi skal afgreiða lyfjapantanir innan 24ra klst. frá því að pöntun berst á virkum dögum. Sé ekki um annað samið skulu pantanir sem berast eftir kl. 12:00 á hádegi á föstudegi afhentar eigi síðar en á hádegi næsta virka dag. Lyfjapantanir sjúkrahúsa og heilbrigðisstofnana utan höfuðborgarsvæðisins skulu afhentar til viðkomandi flutningsaðila innan framangreindra tímamarka. Lyf telst vera afhent þegar það hefur verið móttekið og kvittað hefur verið fyrir móttöku þess af kaupanda á höfuðborgarsvæðinu, eða flutningsaðila, þegar um aðra kaupendur er að ræða.

Seljandi skal ábyrgjast að alltaf séu til nægilegar birgðir viðkomandi samningslys á lager hérlandis. Öryggisbirgðir teljast a.m.k. tveggja mánaða birgðir samningslys í landinu. Miðað er við meðalnotkun lyfsins á hverju 3ja mánaða tímabili. Birgðastjórnun, kostnaður og umsýsla verður að öllu leyti á ábyrgð og í höndum seljanda en kaupandi áskilur sér rétt til að fá upplýsingar um lagerstöðu einstakra vörunúmera. Við lok samnings verða öryggisbirgðir sem til eru hjá seljanda keyptar á samningsverði, þó aldrei meira en sem nemur tveggja mánaða notkun miðað við ofangreindar forsendur

Greiðslur:

Reikningur skal fylgja með hverri afgreiðslu. Reikningur skal merktur samningsnúmeri, pöntunarnúmeri, afhendingarstað og hver pantar, ásamt viðfangsnúmeri og tegundarlykli. Á reikningi skal jafnframt koma fram greiðslustaður þ.e.a.s. nafn banka, númer útibús og reikningsnúmer og annað sem þarf til að greiðsla geti átt sér stað. Reikningurinn skal innihalda samningsverð þannig að hann sýni endanlegt verð samkvæmt samningi. Að öðru leyti á reikningur að vera í samræmi við gildandi lög hverju sinni.

Gjaldldagi reiknings er við útgáfu hans við afhendingu lyfs eða umsamda áfanga en eindagi reiknings er 30 dögum síðar, enda hafi reikningur borist til kaupanda eigi síðar en viku eftir dagsetningu hans. Ef reikningur er ekki í samræmi við pantað eða afhent magn eða umsamið verð lengist greiðslufrestur um sem nemur þeim tíma sem líður þar til leiðréttur reikningur berst. Sé reikningur ekki samþykktur skal kaupandi upplýsa seljanda um ástæður höfnunar.

Reikningar skulu sendir til Landspítala á rafrænu formi. Reikningar til annarra kaupenda sem ekki hafa möguleika á að taka við rafrænum reikningum skulu gerðir í samræmi við gildandi lög og reglur. Skulu þeir innihalda sömu upplýsingar og að framan greinir. Reikningar til annarra sjúkrastofnanna en Landspítala skal stíla á viðkomandi sjúkrastofnun eða samkvæmt samkomulagi við einstaka stofnun.